




Broj: 02-05-28114-6/18  
Sarajevo, 19.07.2018. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", br. 36/14 – Novi prečišćeni tekst i 37/14 – Ispravka), Vlada Kantona Sarajevo je na 135. sjednici održanoj 19.07.2018. godine, donijela sljedeći

## ZAKLJUČAK

1. Prihvata se Informacija o ostvarivanju prava po osnovu nezaposlenosti u Kantonu Sarajevo u 2017. godini.
2. Informacija iz tačke 1. ovog Zaključka dostavlja se Skupštini Kantona Sarajevo-informativno.



Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premier Kantona Sarajevo
4. Ministarstvo za rad, socijalnu politiku, raseljena lica i izbjeglice Kantona Sarajevo
5. Javna ustanova „Služba za zapošljavanje Kantona Sarajevo“ Sarajevo, (putem Ministarstva za rad, socijalnu politiku, raseljena lica i izbjeglice Kantona Sarajevo)
6. Evidencija
7. Arhiva



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1





**INFORMACIJA  
O OSTVARIVANJU PRAVA PO OSNOVU  
NEZAPOSLENOSTI U KANTONU SARAJEVO  
U 2017. GODINI**

Sarajevo, februar 2018. godine

## I UVOD

Programom rada Javne ustanove "Služba za zapošljavanje Kantona Sarajevo" za 2017. godinu, predviđena je izrada Informacije o ostvarivanju prava po osnovu nezaposlenosti u Kantonu Sarajevo.

Ova Informacija prikazuje ostvarivanje prava nezaposlenih osoba za vrijeme nezaposlenosti (novčana naknada, doprinosi za zdravstveno i penzijsko i invalidsko osiguranje i druga prava koja proizilaze iz statusa nezaposlene osobe).

## II ZAKONSKI OSNOV OSTVARIVANJA PRAVA

Nezaposlene osobe putem Javne ustanove "Služba za zapošljavanje Kantona Sarajevo" Sarajevo (u daljem tekstu: Služba) ostvaruju pravo na materijalnu i socijalnu sigurnost u skladu sa: Zakonom o posredovanju u zapošljavanju i socijalnoj sigurnosti nezaposlenih osoba («Službene novine Federacije BiH», br. 55/00, 41/01, 22/05 i 9/08), Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo («Službene novine Kantona Sarajevo», br. 4/04, 29/09 i 18/13), Zakonom o zdravstvenom osiguranju («Službene novine Federacije BiH», br. 30/97, 7/02, 70/08 i 48/11), Zakonom o penzijskom i invalidskom osiguranju («Službene novine Federacije BiH», br. 29/98, 32/01, 73/05, 59/06, 4/09 i 55/12), Zakonom o upravnom postupku («Službene novine Federacije BiH», br. 2/98 i 48/99), Pravilnikom o evidencijama u oblasti zapošljavanja («Službene novine Federacije BiH», br. 24/06), te Programom mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije ostali ili ostaju bez posla («Službene novine Federacije BiH», broj 5/07).

## III VRSTE I OSTVARIVANJE PRAVA PO OSNOVU NEZAPOLENOSTI

U skladu sa članom 28. Zakona o posredovanju u zapošljavanju i socijalnoj sigurnosti nezaposlenih osoba i članom 31. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo zaposlenici osiguravaju svoju materijalnu i socijalnu sigurnost za vrijeme nezaposlenosti, prvenstveno osiguranjem za slučaj nezaposlenosti, odnosno uplatom doprinosa za osiguranje u slučaju nezaposlenosti u skladu sa ovim i drugim zakonima, s tim da materijalna i socijalna sigurnost podrazumijeva pravo na novčanu naknadu, te prava na upлатu doprinosa za zdravstveno i penzijsko i invalidsko osiguranje putem Službe.

### III - 1. Novčana naknada

Pravo na novčanu naknadu nezaposlena osoba stiče nakon prestanka radnog odnosa, uz kumulativno ispunjenje osnovnih zakonom propisanih uslova i to:

- da je u trenutku prestanka radnog odnosa provela na radu najmanje 8 mjeseci neprekidno ili 8 mjeseci sa prekidima u posljednjih 18 mjeseci, s tim da se kao vrijeme provedeno na radu smatra vrijeme obaveznog osiguranja prema propisima koji regulišu sistem poreza i obaveznih doprinosa, odnosno, da su uplaćeni doprinosi za osiguranje od nezaposlenosti (osiguranje za slučaj nezaposlenosti),
- da je zahtjev podnijela u roku od 30 dana od prestanka radnog odnosa,
- da nije svjesno doprinijela prestanku radnog odnosa ili da nije dobrovoljno napustila posao bez opravdanog razloga.

Trajanje novčane naknade se utvrđuje u zavisnosti od staža osiguranja nezaposlene osobe prije prestanka radnog odnosa, kao i od toga da li je to pravo nezaposlena osoba već koristila. Novčana naknada se isplaćuje u skladu sa propisanim zakonskim uvjetima, kako slijedi:

- 3 mjeseca ako je provela na radu od 8 mjeseci do 5 godina;
- 6 mjeseci ako je provela na radu od 5 do 10 godina;
- 9 mjeseci ako je provela na radu od 10 do 15 godina;
- 12 mjeseci ako je provela na radu od 15 do 25 godina;
- 15 mjeseci ako je provela na radu od 25 do 30 godina;
- 18 mjeseci ako je provela na radu od 30 do 35 godina;
- 24 mjeseca ako je provela na radu više od 35 godina.

### **III -1.1. Predmeti po zahtjevima za novčanu naknadu**

U 2017. godini je podneseno ukupno 8.220 zahtjeva za priznavanje prava na novčanu naknadu za vrijeme privremene nezaposlenosti. Iz prethodne godine preneseno je 37 neriješenih zahtjeva, te je ukupan broj zahtjeva za rješavanje iznosio 8.257.

Od navedenog broja za 7.440 zahtjeva doneseno je rješenje o priznavanju prava na novčanu naknadu, za 771 zahtjeva doneseno je rješenje o odbijanju zahtjeva za novčanu naknadu, dok je 46 zahtjeva prenijeto u 2018. godinu, zbog provođenja posebnog ispitnog postupka i utvrđivanja činjeničnog stanja.

Pored navedenog, u 2017. godini donesena su 492 rješenja u kojima se priznaje pravo na nastavak korištenja novčane naknade i 2.063 rješenja o prestanku prava na novčanu naknadu.

Ukupan broj donesenih u 2017. godini je 10.812 rješenja.

U 2017. godini za novčanu naknadu ukupno je isplaćeno 11.946.979,35 KM, a najveći broj izdatih rješenja o priznavanju prava na novčanu naknadu odnosio se na rješenja o priznavanju prava u trajanju od 3 mjeseca.

*Tabelarni pregled rješavanja predmeta po zahtjevima za priznavanje prava na novčanu naknadu u prvostepenom postupku u 2017. godini*

<b>2017. godina</b>	<b>2016. godina</b>	<b>Period</b>	<b>Broj prenesenih predmeta iz prethodnog izvještajnog perioda</b>	<b>Broj primljenih zahtjeva u toku izvještajnog perioda</b>	<b>Ukupan broj predmeta u rješavanju / kol(2+3)</b>	<b>Broj rješenih zahtjeva (7 + 8)</b>	<b>Postotak rješenosti predmeta (5:4)x 100</b>	<b>Broj rješ. o prizn prava na novč.nakn. predmeta</b>	<b>Broj rješenja o neprizn. prava</b>	<b>Broj rješenja o prestanku prava na naknadu</b>	<b>Broj rješ.o nastavku prava na novč.naknadu</b>	<b>Broj predmeta koji su u postupku rješavanja</b>
		1	2	3	4	5	6	7	8	9	10	11
2017. godina	2016. godina		29	8.456	8.485	8.448	99,56	7.658	790	2.247	524	37
			37	8.220	8.257	8.211	99,44	7.440	771	2063	492	46

*Tabelarni pregled broja korisnika novčane naknade po dužini korištenja u 2017.godini*

3 mjeseca	6 mjeseci	9 mjeseci	12 mjeseci	15 mjeseci	18 mjeseci	24 mjeseca	Ukupno
5.425	1.159	512	898	393	359	144	8.890

U toku 2017. godine novčana naknada isplaćivana je za ukupno 8.890 korisnika.

### **III -1.2. Predmeti po žalbama**

U 2017. godini zaprimljeno je 118 žalbi na rješenja o pravu na novčanu naknadu, što sa 15 žalbi prenesenih iz prethodne godine čini ukupno 133 žalbe za rješavanje.

Rješavajući po izjavljenim žalbama, u prvostepenom postupku po članu 232. ZUP-a, preinačeno je 58 prvostepenih rješenja, zbog utvrđenih novih činjenica. U drugostepenom postupku Federalni zavod za zapošljavanje riješio je 67 predmeta po žalbama, od kojih je 64 žalbi odbijeno, 3 uvaženo, dok je u postupku rješavanja 8 žalbi.

*Tabelarni pregled rješavanja predmeta po zahtjevima za priznavanje prava na novčanu naknadu u drugostepenom postupku u 2017. godini*

2016. godina	Period Broj prenesenih predmeta po žalbi iz predhodnog perioda	Broj izjavljenih žalbi po donesenim rješenjima	Ukupan broj predmeta u rješavanju po žalbama	Broj uvaženih žalbi od strane prvostepenog organa (čl.232. ZUP-a)	Broj rješenja o odbijanju žalbe u drugostepenom postupku	Broj rješ. o uvažavanju žalbe u drugostepenom postupku	Broj žalbi koje su u postupku rješavanja
1	2	3	4	5	6	7	8
17		104	121	46	47	13	15
15		118	133	58	64	3	8

### **III – 2. Zdravstveno osiguranje nezaposlenih osoba**

Pravo na zdravstveno osiguranje nezaposlene osobe ostvaruju u skladu sa Zakonom o zdravstvenom osiguranju Federacije Bosne i Hercegovine. Prema Odluci Skupštine Kantona Sarajevo („Službene novine Kantona Sarajevo“, broj 29/09) Služba koja na zdravstveno osiguranje prijavljuje nezaposlene osobe, mjesечно plaća Zavodu zdravstvenog osiguranja Kantona Sarajevo paušalni iznos od 6,00 KM po nosiocu osiguranja koji je prijavljen kod Službe i 3,00 KM po osiguranoj osobi kao članu uže porodice nosioca osiguranja.

Pravo na zdravstveno osiguranje u skladu sa Zakonom o zdravstvenom osiguranju imaju nezaposlene osobe koje su prijavljene Službi za zapošljavanje:

- ako su se prijavile u roku od 30 dana nakon prestanka radnog odnosa, obavljanja djelatnosti ili nakon prestanka primanja naknade plaće na koju imaju pravo prema Zakonu ili prema propisima donesenim na osnovu Zakona,
- ako su se prijavile u roku od 30 dana nakon služenja vojnog roka ili nakon prestanka nesposobnosti za rad zbog koje su otpušteni iz vojne službe,
- ako su se prijavile u roku od 30 dana nakon otpuštanja iz ustanove za izvršenje kaznenih i prekršajnih sankcija, iz zdravstvene ili druge specijalizirane ustanove, ako je bila primjenjena mjera sigurnosti obaveznog psihijatrijskog liječenja u zdravstvenoj ustanovi ili obaveznog liječenja alkoholičara i narkomana,
- ako su na stručnom ospozobljavanju ili prekvalifikaciji koje organizuje Služba,
- ako su se prijavile u roku od 30 dana po povratku iz inostranstva i ako su prije odlaska u inostranstvo bili zdravstveno osigurani,
- ako su se prijavile u roku od 90 dana nakon završetka školske godine u kojoj su završili redovno školovanje, odnosno od dana položenog ispita ako su prije toga izgubili pravo na zdravstvenu zaštitu,
- ako su se prijavile u roku od 90 dana nakon služenja vojnog roka odnosno od dana prestanka nesposobnosti zbog bolesti radi koje su otpušteni iz vojne službe, ako su na služenje vojnog roka stupili u roku od 60 dana od dana završenog školovanja u odgovarajućoj ustanovi,
- djeca koja su navršila 15 godina života, odnosno stariji maloljetnici do 18 godina života, a nisu završili osnovno školovanje ili se po završetku osnovnog školovanja nisu zaposlili, ako su se prijavili zavodu za zapošljavanje,
- lica starija od 18 godina koja su prema propisima o školovanju izgubila status učenika, odnosno redovnog studenta ili su prekinula redovno školovanje, zadržavaju pravo na zdravstvenu zaštitu u trajanju od jedne godine od dana prekida školovanja ako su se prijavila zavodu za zapošljavanje u roku od 30 dana od dana prekida školovanja i ako pravo na zdravstvenu zaštitu ne mogu ostvariti po drugom osnovu.

Zaključno sa 31.12.2017. godine pravo na zdravstveno osiguranje putem Službe koristile su, prosječno, mjesечно 51.403 nezaposlene osobe - nosilac osiguranja i prosječno, mjesечно 23.947 članova njihovih porodica.

U 2017. godini za zdravstveno osiguranje nezaposlenih osoba nosilaca osiguranja i članova njihovih porodica, ukupno je uplaćeno 4.563.087,00 KM.

Zahtjev za ostvarivanje prava na zdravstveno osiguranje podnijelo je 109 nezaposlenih osoba koje to pravo nisu ostvarile prilikom prijavljivanja na evidenciju nezaposlenih osoba u Službi. Iz predhodne godine preneseno je 4 neriješena zahtjeva, te je ukupan broj zahtjeva za rješavanje iznosio 113. Od tog broja za 45 zahtjeva priznato je pravo na zdravstveno osiguranje, 55 zahtjeva su negativno riješena, dok su u postupku rješavanja 13 zahtjeva.

### **III – 3. Uplata doprinosa za penzijsko i invalidsko osiguranje**

U skladu sa članom 31. stav 2. Zakona o posredovanju u zapošljavanju i socijalnoj sigurnosti nezaposlenih osoba i članom 30. Zakona o penzijsko i invalidskom osiguranju, pravo na uplatu doprinosa za penzijsko i invalidsko osiguranje ostvaruju nezaposlene osobe kojima nedostaje do 3 godine staža do sticanja uslova za starosnu penziju.

U 2017. godini podneseno je 123 zahtjeva za ostvarivanje navedenog prava, a iz 2016. godine preneseno je 170 neriješenih zahtjeva, tako da je u radu bilo ukupno 293 zahtjeva.

Federalni zavod za penzijsko i invalidsko osiguranje dostavio je 115 uvjerenja o obračunatom stažu osiguranja i mogućnostima ostvarivanja prava na uplatu doprinosa putem Službe. Pozitivno je riješeno 66 zahtjeva, negativno 49 zahtjeva.

Od zahtjeva je odustalo 56 nezaposlenih osoba iz razloga što su pravo na penziju ostvarili po drugom osnovu. U postupku rješavanja je 122 zahtjeva za ostvarivanje navedenog prava.

Potrebno je istaknuti da na trajanje postupka u rješavanju ovih zahtjeva utiče prethodni postupak koji se vodi kod Federalnog zavoda za penzijsko i invalidsko osiguranje, jer se svi primljeni zahtjevi upućuju istom radi utvrđivanja penzijskog staža i mogućnosti sticanja prava na starosnu penziju.

U 2017. godini po osnovu uplate doprinosa za penzijsko i invalidsko osiguranje ukupno je isplaćeno 183.081,92 KM.

*Tabelarni pregled rješavanja po zahtjevima za uplatu doprinosa za PIO/MIO u 2017. godini*

Preneseni zahtjevi iz 2016. godine	Primljeni zahtjevi u 2017. godini	Ukupno zahtjeva u postupku u 2017. godini	Ukupno riješenih zahtjeva	Pozitivno riješeno	Negativno riješeno	Odustalo od zahtjeva	U postupku rješavanja
170	123	293	115	66	49	56	122

### **III – 4. Realizacija Programa mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije ostali ili ostaju bez posla**

Programom mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla, koji je usvojila Vlada Federacije BiH dana 24.01.2007. godine («Službene novine F BiH», broj 5/07), predviđena je, između ostalog, i obaveza kantonalnih službi za zapošljavanje da Program provode, te da sačine vlastite programe i finansijske planove za ostvarivanje i realizaciju Programa, a šestomjesečno izvještavaju Vladu Kantona o provođenju istog.

U skladu sa navedenim Programom, Služba je sačinila Operativni program realizacije Programa mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla. Predmet Operativnog programa je socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla, utvrđivanje finansijskih planova za ostvarivanje ovog programa i utvrđivanje bližih uslova i kriterija za podršku zaposlenicima.

Radi efikasnije realizacije Programa, Služba je donijela Uputstvo o postupku podnošenja zahtjeva, uslovima i kriterijima za utvrđivanje prava utvrđenih u Programu mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla.

Zaposlenici koji ostaju ili će ostati bez posla ukoliko se prijave na evidenciju Službe zbrinjavaju se na sljedeći način:

- uplatom dospjelih, a neuplaćenih doprinosa za penzijsko i invalidsko osiguranje u cilju povezivanja staža osiguranja za one koji bi po uvezivanju mogli ostvariti penziju, ako to nije u mogućnosti da uradi preduzeće;

- uplatom doprinosa za penzijsko i invalidsko osiguranje u cilju povezivanja staža osiguranja za one koji bi sa dokupom staža za period od tri godine mogli ostvariti pravo na penziju;
- isplatom novčanih naknada koja bi osobi koja ostaje bez posla pripadala po Federalnom Zakonu o posredovanju u zapošljavanju i socijalnoj sigurnosti nezaposlenih osoba da je poslodavac izmirio obaveze uplate doprinosa;
- stvaranjem uvjeta za zapošljavanje kod novog poslodavca, samozapošljavanjem, obukom i prekvalifikacijom prema potrebama drugih poslodavaca i davanjem podrške poslodavcima koji otvaraju nova radna mjesta u skladu sa Programom mjera za podsticaj zapošljavanja u Kantonu Sarajevo za tekuću godinu.

U toku 2017. godine Služba je zaprimila zahtjeve za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla i to:

- „SARABON“ d.d. Sarajevo, stečajni postupak nad imovinom otvoren Rješenjem Općinskog suda, broj: 65 0 ST 020833 06 ST od 20.12.2006. godine.  
Stečajni upravnik preduzeća „SARABON“ d.d., dostavio je u 2017. godini, zahtjev za uplatu dospjelih, a neuplaćenih doprinosa za penzijsko i invalidsko osiguranje za 3 (tri) radnika. Svi zahtjevi su odbijeni.
- „BAGS-ENERGOTEHNIKA“ d.d. u restrukturiranju - podnesen je zahtjev za uvezivanje penzijskog staža za 2 radnika po planu zbrinjavanja zaposlenika odobrenog od Ministarstva komunalne privrede i infrastrukture Kantona Sarajevo, broj 408-04/17 od 06.04.2017.  
Priznato je pravo po zahtjevu za 2 (dva) radnika i uplaćeno 29.284,20 KM.
- GP „BOSNA“ d.d. Sarajevo, likvidacioni postupak nad imovinom pokrenut je Rješenjem Općinskog suda u Sarajevu br. 65 0 L 347712 13 L od 12.06.2013. godine. Preduzeće GP „BOSNA“ d.d. obratilo se zahtjevom u 2017. godini Službi, za uplatu dospjelih, a neuplaćenih doprinosa za penzijsko i invalidsko osiguranje u cilju povezivanja staža osiguranja radi ostvarivanja prava na penziju za 1 (jednog) radnika, koji je odbijen.
- KJKP „GRAS“ d.o.o., u restrukturiranju, obratio se Službi dana 14.12.2016. godine zahtjevom za 95 (devedesetpet) radnika, za uplatu dospjelih, a neuplaćenih doprinosa za penzijsko i invalidsko osiguranje.  
Svi zahtjevi su riješeni u 2017. godini od toga broja za 86 (osamdesetšest) radnika je pozitivno riješeno za koje je uplaćeno ukupno 2.199.198,40 KM.  
Za 9 (devet) radnika zahtjevi su odbijeni.  
Krajem 2017. godine dostavljen je zahtjev za povezivanje staža za 79 radnika.  
Postupak rješavanja je u toku.
- „ENERGOINVEST TDS“ d.d. u stečaju Sarajevo, stečajni postupak otvoren Rješenjem Općinskog suda, broj: 65 0 St 571731 16 St od 01.09.2016. godine.  
Stečajni upravnik „ENERGOINVEST TDS“ d.d. obratio se Službi dana 08.11.2016. godine zahtjevom za uplatu dospjelih, a neuplaćenih doprinosa za penzijsko i invalidsko

osiguranje u cilju povezivanja staža osiguranja za 20 (dvadeset) radnika. Priznato je pravo za 6 (šest) radnika. Odbijeno je 14 (četrnaest) zahtjeva.  
U izvještajnom periodu ukupno je uplaćeno 25.815,91 KM.

- J.P.,BH & AIRLINES“ d.o.o. u stečaju Sarajevo stečajni postupak otvoren Rješenjem Općinskog suda, broj: 65 0 St 559396 16 St od 28.09.2016. godine, Stečajni upravnik J.P.,BH & AIRLINES“ d.o.o. obratio se Službi dana 10.11.2016. godine zahtjevom za uplatu dospjelih, a neuplaćenih doprinosa za penzijsko invalidsko osiguranje u cilju povezivanja staža osiguranja radi ostvarivanja prava na penziju za 5 (pet) radnika  
Donešen je zaključak o prekidu postupka.
- „HIDROGRADNJA“ d.d. u stečaju, stečajni postupak otvoren Rješenjem Općinskog suda, broj: 65 0 ST 569320 16 ST od 22.09.2016. godine.  
Stečajni upravnik „HIDROGRADNJA“ d.d. Sarajevo, obratio se Službi dana 10.11.2016. godine zahtjevom za uplatu dospjelih, a neuplaćenih doprinosa za penzijsko invalidsko osiguranje u cilju povezivanja staža osiguranja radi ostvarivanja prava na penziju za 107 (stosedam) radnika.  
Donešen je zaključak o prekidu postupka.

U periodu 01.01.2017.- 31.12.2017. godine, za ove namjene utrošeno je 2.254.298,51 KM.

#### **IV - PODACI O OSTVARIVANJU PRAVA NEZAPOSLENIH OSOBA NA NOVČANU NAKNADU ZA VRIJEME ČEKANJA NA ZAPOSLENJE**

Članom 42. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, br. 38/14 – Prečišćeni tekst, 38/16 i 44/17) propisano je da djeci i odraslim osobama koji su u skladu sa zakonom ospozobljeni za život i rad, pripada pravo na novčanu naknadu za vrijeme čekanja na zaposlenje. Navedene osobe po završetku ospozobljavanja za život i rad imaju pravo na novčanu naknadu do trenutka zaposlenja, pod uslovom da se redovno javljaju Službi za zapošljavanje.

Član 43. istog zakona propisuje da pravo na novčanu naknadu za vrijeme čekanja na zaposlenje korisniku prestaje ako se zaposli, odnosno ako odbije posao za koji je ospozobljen. Na osnovu podataka JU „Kantonalni centar za socijalni rad“ Sarajevo konstatovano je da u Kanatonu Sarajevo u 2017. godini ima prosječno, mjesечно 500 korisnika prava na novčanu naknadu za vrijeme čekanja na zaposlenje.

**TABELARNI PREGLED BROJA KORISNIKA NOVČANE NAKNADE ZA VRIJEME  
ČEKANJA NA ZAPOSLENJE ZA 2017. GODINU**

Pregled za mjesec/2017	Stari Grad	Centar	Novo Sarajevo	Novi Grad	Iličići	Hadžići	Vogošća	Ilijaš	Trnovo
Januar	38	69	66	173	63	30	35	35	3
Februar	39	70	64	173	63	29	36	34	3
Mart	40	70	65	172	63	28	36	32	3
April	39	70	66	173	64	28	36	32	3
Maj	39	71	66	176	64	29	36	32	3
Juni	37	70	66	173	65	30	36	32	3
Juli	37	70	67	174	66	32	37	27	3
August	37	70	68	175	66	34	38	27	3
Septembar	37	66	69	175	66	34	37	27	3
Oktobar	35	66	70	178	67	34	37	27	3
Novembar	35	66	69	177	67	33	37	28	3
Decembar	35	67	69	177	66	35	38	29	3

Instrukcijom o iznosima novčanih davanja po Zakonu o socijalnoj zaštiti, zaštiti civilnih žrtava rada i zaštiti porodice sa djecom („Službene novine Kantona Sarajevo“, broj 20/17) i Uredbom o visini koeficijenata za obračun prosječne neto plaće ostvarene u Kantonu Sarajevo u 2017. godini („Službene novine Kantona Sarajevo“, broj 16/18) utvrđena su novčana i druga materijalna davanja po Zakonu o socijalnoj zaštiti, zaštiti civilnih žrtava rada i zaštiti porodice sa djecom.

Isplatu novčanih naknada za vrijeme čekanja na zaposlenje, u skladu sa navedenim propisima, vrši JU „Kantonalni centar za socijalni rad“ Sarajevo.



U 2017. godini, novčana naknada za vrijeme čekanja na zaposlenje po korisniku iznosila je 120,00 KM, samim tim prosječna, mješevitina isplaćena finansijska sredstva iznosila su cca 60 000 KM, a što na godišnjem nivou iznosi cca 720 000 KM.


#### **V - OCJENA STANJA U OSTVARIVANJU PRAVA NEZAPOSLENIH OSOBA, INICIJATIVE I PRIJEDLOZI**

Iz predmetne Informacije o ostvarivanju prava po osnovu nezaposlenosti u Kantonu Sarajevo u 2017. godini, može se konstatovati da osobe koje se nalaze na evidenciji nezaposlenih u Kantonu Sarajevo, prava na materijalnu i socijalnu sigurnost za vrijeme privremene nezaposlenosti ostvaruju u skladu sa važećim zakonskim propisima, te da do sada nije bilo problema niti zastoja u isplatama po priznatim pravima po osnovu materijalno socijalne sigurnosti nezaposlenih osoba.

Postupak rješavanja zahtjeva za priznavanje prava po osnovu uplate doprinosa za penzijsko i invalidsko osiguranje licima kojima nedostaje do tri godine staža osiguranja do odlaska u penziju može da traje duže nego što je uobičajeno. Na duži rok rješavanja zahtjeva po navedenom osnovu utiče prethodni postupak utvrđivanja penzijskog staža i mogućnosti sticanja prava na penziju koji se vodi kod Federalnog zavoda za penzijsko i invalidsko osiguranje jer se svi zaprimljeni zahtjevi upućuju navedenom Zavodu, radi dobivanja podataka o penzijskom stažu i mogućnosti sticanja prava na penziju.

J. Jadr





Broj: 13-34-03-25425/18  
Sarajevo, 05.07.2018. godine

**Javna ustanova "Služba za zapošljavanje Kantona Sarajevo" Sarajevo**  
N/r g-đa Almina Mašin Suljagić, v. d. direktor

**Ulica Đoke Mazalića br. 3  
71 000 Sarajevo**

**Predmet: Mišljenje - dostavlja se**

Informacija o ostvarivanju prava po osnovu nezaposlenosti u Kantonu Sarajevo u 2017. godini, sačinjena je u skladu sa Programom rada Javne ustanove "Služba za zapošljavanje Kantona Sarajevo" Sarajevo za 2017. godinu i ista se dostavlja Vladi Kantona Sarajevo na usvajanje.

Podaci prezentovani u Informaciji daju dovoljno elemenata za uvid u stanje u ovoj oblasti za naznačeni period i to prikaz prava na novčanu naknadu za vrijeme privremene nezaposlenosti, prava na zdravstveno osiguranje, prava na dokup staža nezaposlenim osobama kojima nedostaje do 3 godine staža za sticanje prava na penziju, te prava na zbrinjavanje zaposlenika koji u postupku stečaja, likvidacije, privatizacije i restrukturiranja ostaju ili bi mogli ostati bez posla.

Pored navedenih prava na materijalnu i socijalnu sigurnost nezaposlenih osoba, nezaposlene osobe su koristile i pravo na posredovanje u zapošljavanju što uključuje animiranje poslodavaca, profesionalni odabir, profesionalno usmjeravanje, profesionalnu rehabilitaciju, informisanje o mogućnosti zapošljavanja, te savjetovanje.

Pripremio: Miralem Dedović, stručni savjetnik

[REDACTED]



Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za rad, socijalnu  
politiku, raseljena lica i izbjeglice



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Labour, Social Policy,  
Displaced Persons and Refugees

Broj: 13-34-15066/18  
Sarajevo, 08.05.2018. godine

JU "Služba za zapošljavanje Kantona Sarajevo" Sarajevo

Ulica Đoke Mazalića br. 3  
71 000 Sarajevo

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za rad, socijalnu politiku, raseljena lica i izbjeglice  
**SARAJEVO**

PRIKJЕНО: 14 -05-2018			
Organizaciona jedinica	Klasifikaciona oznaka	Redni broj	Broj prikaza
01/01-0899/18-1			

g. Šuleta

Predmet: Podaci u vezi sa Informacijom – traže se

Veza: Vaš akt 01-01-0899/18 od 27.4.2018. godine

U postupku davanja mišljenja na Informaciju o ostvarivanju prava po osnovu nezaposlenosti u Kantonu Sarajevo u 2017. godini, (Vaš akt 01-01-0601/18 od 21.03.2018. godine), a u cilju potpunog sagledavanja svih prava koje nezaposlene osobe ostvaruju putem JU "Služba za zapošljavanje Kantona Sarajevo" Sarajevo, Ministarstvo za rad, socijalnu politiku, raseljena lica i izbjeglice Kantona Sarajevo je aktom broj 13-34-15066/18 od 02.04.2018. godine, zahtjevalo da u predmetnoj Informaciji navedete i podatke koji se odnose na ostvarivanje prava na novčanu naknadu za vrijeme čekanja na zaposlenje, odnosno broj nezaposlenih osoba koje su ostvarile navedeno pravo.

Nakon traženja Ministarstva da u Informaciji navedete tražene podatke, Ministarstvu ste dostavili Informaciju o ostvarivanju prava po osnovu nezaposlenosti u Kantonu Sarajevo u 2017. godini, dopunjenu u skladu sa traženim (Vaš akt 01-01-0899/18 od 27.4.2018. godine).


U predmetnoj Informaciji, poglavljje IV – Podaci o ostvarivanju prava nezaposlenih osoba na novčanu naknadu za vrijeme čekanja na zaposlenje, između ostalog, navodite da je *na osnovu podataka JU "Kantonalni centar za socijalni rad" konstatovano da u Kantonu Sarajevo u 2017. godini ima ukupno 6.167 nezaposlenih osoba koje su ostvarile pravo na novčanu naknadu za vrijeme čekanja na zaposlenje*, a što je različito u odnosu na podatak koji je Ministarstvu dostavljen od strane JU "Kantonalni Centar za socijalni rad" Sarajevo.

S tim u vezi, potrebno je da u Informaciji o ostvarivanju prava po osnovu nezaposlenosti u Kantonu Sarajevo u 2017. godini, eksplicite navedete ukupan broj isplaćenih naknada korisnicima prava na novčanu naknadu za vrijeme čekanja na zaposlenje, te podatek o prosječnom, mjesecnom broju i ukupno uplaćena finansijska sredstva u izveštajnom periodu po vremenu predmetnog prava.

S poštovanjem.

Pripremio: M. Dedović

Dostaviti:  
-naslovu.  
-a/a.



[REDACTED]



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33 562-090  
Sarajevo, Reisa Džemaludina Čauševića 1






Broj: 09/1-1314-UO/18  
Datum, 18.06.2018. god.

Na osnovu člana 16. Statuta Javne ustanove "Služba za zapošljavanje Kantona Sarajevo" Sarajevo, (broj: 05/1-3306/08, od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/2016 od 27.06.2016. godine), Upravni odbor Javne ustanove je na 14. sjednici, održanoj 12.06.2018. godine, *d o n i o*

### ZAKLJUČAK br.31

1. Usvaja se Informacija o ostvarivanju prava po osnovu nezaposlenosti u Kantonu Sarajevo u 2017. godini, uskladena sa Mišljenjem Ministarstva za rad, socijalnu politiku, raseljena lica i izbjeglice Kantona Sarajevo broj: 13-34-15066/18 od 08.05.2018. godine.
2. Informacija iz tačke 1. ovog Zaključka bit će dostavljena putem Ministarstva za rad, socijalnu politiku, raseljena lica i izbjeglice Kantona Sarajevo, Vladi i Skupštini Kantona Sarajevo, na dalje razmatranje.



## ZAKON

### O ORGANIZACIJI ORGANA UPRAVE U FEDERACIJI BOSNE I HERCEGOVINE

#### I. OSNOVNE ODREDBE

##### Član 1.

Ovim Zakonom uređuje se organizacija i način funkcioniranja organa državne uprave u Federaciji Bosne i Hercegovine (u dalnjem tekstu: Federacija) koja obuhvata: položaj, ulogu, ustrojstvo, ovlaštenja i obaveze u obavljanju upravnih, stručnih i drugih poslova, međusobne odnose organa uprave i odnos organa uprave prema građanima, organima izvršne i zakonodavne vlasti, ombudsmenima, privrednim društvima i drugim pravnim licima (u dalnjem tekstu: pravno lice), kao i druga pitanja od značaja za organizaciju i rad organa državne uprave na svim nivoima vlasti u Federaciji.

##### Član 2.

Organi državne uprave Federacije, kantona, grada i općina (u dalnjem tekstu: organi uprave) osnivaju se za obavljanje upravnih, stručnih i drugih poslova koji se zakonom i drugim propisima stavljuju u njihovu nadležnost.

Odredene upravne poslove mogu obavljati i pravna lica kada im je zakonom, odnosno odlukom općinskog i gradskog vijeća povjeroeno vršenje javnih ovlaštenja na način predviđen ovim Zakonom.

##### Član 3.

Organi uprave dužni su u svom radu osigurati efikasno i potpuno ostvarivanje svih prava i sloboda građana koja su predviđena u Ustavu Federacije Bosne i Hercegovine (u dalnjem tekstu: Ustav Federacije) i u aktima navedenim u Aneksu Ustava Federacije Bosne i Hercegovine (u dalnjem tekstu: Aneks).

Organi uprave dužni su u poslovima iz svoje nadležnosti saradivati sa svim međunarodnim posmatračkim tijelima za ljudska prava koja su osnovana za Bosnu i Hercegovinu i Federaciju, kao i sa nadzornim organima koji su osnovani na osnovu međunarodnih dokumenata navedenih u Aneksu.

##### Član 4.

Rad organa uprave zasniva se na: načelu zakonitosti, transparenčnosti, javnosti, odgovornosti, efikasnosti, ekonomičnosti, profesionalnoj nepristrasnosti i političkoj nezavisnosti, ukoliko za odredene izuzetne situacije za neke od ovih načela zakonom nije drugačije određeno.

Organi uprave poslove uprave iz svoje nadležnosti obavljaju samostalno u granicama ovlaštenja utvrđenih u ustavu, zakonu i drugim propisima.

##### Član 5.

Nadležnost federalnih i kantonalnih organa uprave i upravnih organizacija utvrđuje se zakonom kojim se uređuje odredena upravna oblast, a nadležnost općinskih i gradskih organa uprave utvrđuje se odlukama općinskog, odnosno gradskog vijeća kojima se uređuju poslovi lokalne samouprave općine, odnosno grada.

Kantonalni, općinski i gradski organi nadležni su da obavljaju i upravne i stručne poslove koji se federalnim, odnosno kantonalnim zakonom delegiraju ili prenesu na kanton, općinu, odnosno grad.

##### Član 6.

odnosno općinskog vijeća, u skladu sa zakonom, prenesena da o njima odlučuju pravna lica sa javnim ovlaštenjima.

#### Član 18.

Inspeksijski nadzor organi uprave, odnosno posebne uprave za inspekcije vrše tako što ostvaruju neposredan uvid u zakonitost rada, poslovanja i postupanja pravnih lica i građana u pogledu pridržavanja zakona i drugih propisa, te preduzimaju upravne i druge mјere za koje su ovlašteni zakonom, odnosno propisom gradskog, ili općinskog vijeća, kao i kontrolu zakonitog postupanja organa uprave u obavljanju upravnih poslova iz njihove nadležnosti.

Inspeksijski nadzor vrše inspekcije organa uprave, kao i inspekcije koje su posebnim zakonom organizirane u okviru posebnih uprava za inspekcije.

#### 4. Donošenje podzakonskih propisa

#### Član 19.

Organi uprave donose podzakonske propise predviđene ovim Zakonom kada su na to zakonom izričito ovlašteni.

#### 5. Pripremanje propisa i davanje preporuka iz oblasti zakonodavstva

#### Član 20.

Organi uprave dužni su da u poslovima iz svoje nadležnosti pripremaju zakone i druge propise kada o tome odluči organ zakonodavne ili izvršne vlasti, odnosno kada samostalno ocijene da je potrebno donijeti zakon ili drugi propis, ili treba izvršiti izmjene i dopune zakona ili drugog propisa iz oblasti za koju su nadležni.

Organi uprave imaju obavezu dati preporuku organu zakonodavne ili izvršne vlasti da je potrebno donijeti zakon ili drugi propis u određenoj upravnoj oblasti i obrazložiti ciljeve koji se žele postići donošenjem tog propisa.

#### Član 21.

Prilikom izrade zakona i drugih propisa organi uprave obavezni su pribavljati mišljenja od drugih organa uprave ako se tim propisima reguliraju pitanja iz nadležnosti tih organa uprave, a prema potrebi mišljenja se mogu pribavljati i od odgovarajućih stručnih ustanova i zainteresiranih pravnih lica, ako je to mišljenje od značaja za uređivanje odgovarajućih pitanja iz njihove nadležnosti.

Ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orientacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.

#### 6. Davanje odgovora na pitanja organa zakonodavne i organa izvršne vlasti i pravnih i fizičkih lica

#### Član 22.

Organi uprave obavezni su pripremati i давати odgovore na pitanja organa zakonodavne, odnosno organa izvršne vlasti koja se odnose na izvršavanje zakona i drugih propisa iz njihove nadležnosti, te o stanju i problemima u oblasti za koju su organi uprave osnovani, kao i давати odgovore na pitanja pravnih i fizičkih lica u vezi sa rješavanjem njihovih prava i dužnosti u upravnom postupku.

#### 7. Praćenje stanja u oblastima za koje su organi uprave osnovani i odgovornost za stanje u tim oblastima

#### Član 23.

Praćenje stanja u oblastima za koje su organi uprave osnovani odnosi se prvenstveno na stanje izvršavanja zakona i drugih propisa, što se utvrđuje na osnovu podataka koje sami prikupljaju na način predviđen zakonom ili drugim propisom, kao i podataka koje na njihov zahtjev prikupljaju, obraduju i dostavljaju drugi organi i pravna lica i

utvrđuju stanje i nastale posljedice, te u vezi sa rješavanjem utvrđenih problema preduzimaju mјere za koje su ovlašteni.

Na osnovu podataka iz stava 1. ovog člana organi uprave izrađuju analitičke, informativne i druge materijale koje dostavljaju nadležnim izvršnim i zakonodavnim organima vlasti na razmatranje u cilju upoznavanja tih organa sa stanjem u određenoj oblasti i potrebom preduzimanja odgovarajućih mјera.

#### Član 24.

Organj uprave odgovorni su, u okvиру svoje nadležnosti, za stanje u oblastima za koje su osnovani i to u pogledu izvršavanja zakona i drugih propisa i zakonitost upravnih i drugih akata koji se donose u izvršavanju tih propisa, kao i za tačnost i ažurnost podataka koja podnose nadležnim zakonodavnim i izvršnim organima vlasti i za tačnost i ažurnost podataka o kojima, na osnovu zakona i drugog propisa, vode propisane službene evidencije.

U ostvarivanju odgovornosti iz stava 1. ovog člana organi uprave Federacije, odnosno kantona dužni su redovno u određenim vremenskim periodima informirati Vladu Federacije, odnosno vladu kantona o stanju i problemima i mјerama koje bi trebalo preduzimati, a gradski, odnosno općinski organi uprave o tom stanju informiraju gradonačelnika, odnosno općinskog načelnika.

Kada se u određenoj oblasti ne izvršavaju zakoni i drugi propisi, organi uprave dužni su odmah preuzeti konkretne mјere za koje su ovlašteni, odnosno organima iz stava 2. ovog člana predložiti preduzimanje odgovarajućih hitnjih mјera iz njihove nadležnosti za rješavanje tih problema u skladu sa zakonom.

#### Član 25.

Ako se u analitičkim, informativnim ili drugim materijalima koje pripremaju organi uprave zahtijevaju materijalni izdaci, organi uprave obavezni su u obrazloženju tih materijala iskazati orijentacijski iznos finansijskih sredstava koja su potrebna za provođenje tih materijala i odrediti izvore iz kojih treba osigurati ta sredstva.

### III. POVJERAVANJE JAVNIH OVLAŠTENJA PRAVNIM LICIMA NA RJEŠAVANJE

#### Član 26.

Određeni upravni i stručni poslovi iz nadležnosti organa uprave mogu se povjeravati na vršenje pravnim licima (u dalnjem tekstu: pravna lica sa javnim ovlaštenjima) kada je to prikladno i kada se time postiže efikasnije ostvarivanje određenih prava i obaveza građana i pravnih lica.

Povjeravanje javnih ovlaštenja iz stava 1. ovog člana, vrši se federalnim zakonom za upravne i stručne poslove iz nadležnosti federalnih organa uprave, a zakonom kantona kada se radi o tim poslovima iz nadležnosti kantonalnih organa uprave, dok se odlukom gradskog, odnosno općinskog vijeća povjeravanje javnih ovlaštenja može vršiti za određene upravne i stručne poslove iz djelokruga lokalne samouprave grada, odnosno općine.

Pravnim licima sa javnim ovlaštenjima ne mogu se povjeravati poslovi inspekcijskog nadzora, osim stručnih poslova koji su od značaja za vršenje inspekcijskog nadzora kao što su ekspertize, tehnička ispitivanja i sl., ili su za vršenje tih poslova potrebna posebna stručna znanja (tehnička i druga struka), ili ako je potrebna primjena naučnih ili posebnih stručnih metoda koje se mogu osigurati samo posebnom opremom (laboratorija i dr.), a za koje u organu uprave ne postoje kadrovske, tehničke i druge mogućnosti za vršenje tih poslova.

#### Član 27.

Na pravna lica sa javnim ovlaštenjima, u odnosu na vršenje pitanja iz javnih ovlaštenja shodno se primjenjuju načela utvrđena u članu 4. ovog Zakona.

Zakonom, odnosno odlukom gradskog i općinskog vijeća, kojima se povjeravaju javna ovlaštenja određuje se način vršenja javnih ovlaštenja iz člana 26. ovog Zakona, kao i ovlaštenja i obaveze organa uprave u pogledu vršenja upravnog nadzora u odnosu na vršenje prenesenih javnih ovlaštenja od pravnih lica sa javnim ovlaštenjima.

### Član 28.

Ako pravna lica sa javnim ovlaštenjima ne vrše povjerene poslove u skladu sa zakonom i drugim propisom, organ uprave koji vrši upravni nadzor obavezan je pisano upozoriti organ upravljanja tog pravnog lica koje vrši javna ovlaštenja i naložiti mu mjere za rješavanje tog pitanja, a prema potrebi, obavezan je preduzeti i druge mjere u okviru svojih prava i dužnosti i time osigurati da se javna ovlaštenja vrše u skladu sa zakonom i drugim propisom kojim su ta ovlaštenja povjerena.

Organ upravljanja pravnog lica sa javnim ovlaštenjima dužan je postupiti po nalogu organa uprave iz stava 1. ovog člana.

### Član 29.

Upravni nadzor nad radom pravnih lica sa javnim ovlaštenjima, u vršenju upravnih poslova koji su preneseni na ta pravna lica, vrše organi uprave iz upravne oblasti i nivoa vlasti kojoj pripadaju upravni poslovji koji se vrše na osnovu javnih ovlaštenja u skladu sa ovim i drugim zakonom, odnosno odlukom gradskog i općinskog vijeća kojom su ta ovlaštenja povjerena.

### Član 30.

U vršenju upravnog nadzora nad radom pravnih lica sa javnim ovlaštenjima, u odnosu na povjerena javna ovlaštenja, nadležni organ uprave ima sljedeća prava i dužnosti:

- 1) da provodi inspekcijski nadzor i u okviru svoje nadležnosti osigura zakonito i u propisanim rokovima vršenje poslova koji se odnose na javna ovlaštenja;
- 2) da rješava po žalbama izjavljenim protiv donesenih upravnih akata u vršenju povjerenih javnih ovlaštenja kada je to utvrđeno zakonom, odnosno odlukom gradskog i općinskog vijeća;
- 3) da prema potrebi daje stručna uputstva i objašnjenja za primjenu zakona i drugih propisa koji se odnose na vršenje povjerenih javnih ovlaštenja;
- 4) da preduzima i druge mjere i vrši druga prava koja prema zakonu ima drugostepeni organ uprave u rješavanju upravnih stvari u drugostepenom upravnom postupku.

Pravna lica sa javnim ovlaštenjima dužna su najmanje jedanput godišnje podnijeti izvještaj o vršenju povjerenih javnih ovlaštenja nadležnom organu uprave koji vrši upravni nadzor nad njihovim radom i na traženje tih organa uprave dostavljati određene podatke i dokumenta koja su od značaja za vršenje upravnog nadzora u vršenju javnih ovlaštenja.

## IV. OSNIVANJE ORGANA UPRAVE I UPRAVNIH ORGANIZACIJA

### 1. Načela za osnivanje organa uprave i upravnih organizacija

#### a) Zajednička odredba

### Član 31.

Za vršenje poslova iz člana 10. ovog Zakona osnivaju se organi uprave i upravne organizacije predviđeni ovim Zakonom.

Organii uprave osnivaju se za obavljanje upravnih, stručnih i drugih poslova (u dalnjem tekstu: upravni i stručni poslovi), a upravne organizacije osnivaju se za obavljanje stručnih i drugih poslova (u dalnjem tekstu: stručni poslovi).

#### b) Organii uprave

## Član 32.

Organj uprave osnivaju se na svim nivoima vlasti u Federaciji i to:

- 1) federalni organi uprave za obavljanje upravnih i stručnih poslova iz nadležnosti Federacije,
- 2) kantonalni organi uprave za obavljanje upravnih i stručnih poslova iz nadležnosti kantona,
- 3) općinski i gradski organi uprave za obavljanje upravnih i stručnih poslova iz samoupravnog djelokruga općine, odnosno grada.

## Član 33.

Organj uprave osnivaju se na način koji osigurava potpuno, efikasno i racionalno obavljanje svih upravnih i stručnih poslova iz okvira nadležnosti Federacije, odnosno iz nadležnosti kantona, a u općini i gradu iz okvira lokalne samouprave općine odnosno grada i efikasno ostvarivanje prava i izvršavanje obaveza gradana i pravnih lica.

Organj uprave osnivaju se prema vrsti i obimu poslova i načelima grupisanja poslova prema vrsti, složenosti i međusobnoj funkcionalnoj povezanosti, kao i sa potrebama osiguranja efikasnog rukovodenja radom organa uprave.

### c) Upravne organizacije

## Član 34.

Upravne organizacije osnivaju se za obavljanje stručnih poslova koji pretežno zahtijevaju primjenu stručnih i naučnih metoda rada i sa njima povezanih upravnih poslova.

Upravne organizacije, po pravilu, osnivaju se na nivou Federacije i kantona, a, izuzetno, mogu se osnivati i u općini i gradu - općinama sa najmanje 50.000 stanovnika, ako za njihovim osnivanjem ima stvarne potrebe i ako postoje poslovi koji spadaju u nadležnost upravnih organizacija.

Upravne organizacije u općini i gradu mogu se osnovati samo pod uvjetom ako se poslovi iz stava 1. ovog člana ne mogu obavljati u okviru općinskog, odnosno gradskog organa uprave, s tim što općina i grad mogu osnovati zajedničku upravnu organizaciju ako se time postiže racionalnije i efikasnije obavljanje određenih poslova.

Zakonom, odnosno odlukom, kojima se vrši osnivanje upravnih organizacija (samostalne ili u sastavu organa uprave) može se utvrditi da upravna organizacija ima svojsvo pravnog lica.

### d) Kriteriji za osnivanje organa uprave i upravnih organizacija

## Član 35.

Prilikom osnivanja organa uprave, odnosno upravnih organizacija mora se polaziti od sljedećih kriterija i to:

- 1) zajednički kriteriji koji važe za Federaciju, kanton, grad i općinu su:

- a) da se broj i vrsta organa uprave i upravnih organizacija osniva isključivo prema obimu i vrsti upravnih i stručnih poslova koji su zakonom i drugim propisima stavljeni u nadležnost organa uprave, odnosno upravnih organizacija,
- b) da se isti i slični upravni i stručni poslovi obavljaju u okviru jednog organa uprave, odnosno jedne upravne organizacije i tako osigura da se takvi poslovi grupišu u okviru istog organa uprave, odnosno iste upravne organizacije;

Kanton, općina i grad dužni su svoje propise o upravi uskladiti sa odredbama ovog Zakona u roku od tri mjeseca od dana stupanja na snagu ovog Zakona.

Član 155.

Danom stupanja na snagu ovog Zakona prestaje da važi Zakon o upravi u Federaciji Bosne i Hercegovine ("Službene novine Federacije BiH", br. 28/97 i 26/02).

Član 156.

Ovaj Zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući  
Doma naroda  
Parlamenta Federacije BiH  
**Slavko Matić, s.r.**

Predsjedavajući  
Predstavničkog doma  
Parlamenta Federacije BiH  
**Muhamed Ibrahimović, s.r.**